



АҚПАРАТТЫҚ ХАБАР

2019 жылғы 1 шілде

2019 жылғы 21 – 28 маусым аралығындағы жекелеген дамушы елдердің валюталары бойынша шолу¹

28 маусымдағы сауда-саттық қорытындылары бойынша **теңгенің нарықтық бағамы** бір аптада 0,9%-ға нығайып (377,18-ден), бір АҚШ доллары үшін 380,53 теңге деңгейінде қалыптасты.

Сыртқы валюталық нарықта 2019 жылғы 21 – 28 маусым аралығындағы кезеңде неғұрлым маңызды оқиғалар Президент Д.Трампының Американың өздігінен басқарылатын ұшағын жоюға және жауластық іс-қимылдарға жауап ретінде Иранға қарсы, оның ішінде Иранның Бас көшбасшысына қатысты жаңа санкциялардың енгізілуі, АҚШ ФРЖ өкілдерінің пайыздық мөлшерлемелерді төмендету мәселесін зерделеу туралы түсініктемелері, G20 саммитінің шеңберіндегі кездесу қорытындысы бойынша АҚШ және ҚХР арасындағы сауда қайшылықтарында бітімгершіліктің жариялануы болды.

Аталған факторлар АҚШ долларының дамыған елдердің валюталарына қатысты бағамының әлсіреуіне әкелді.

Дамушы елдердің валюталарының² АҚШ долларына қатысты бағамдарының серпіні былайша қалыптасты:

- **Оңтүстік Африка ранды** аясында G20 саммитінің шеңберіндегі екі ел көшбасшысының кездесуі қарсаңында АҚШ және ҚХР арасындағы сауда шиеленісінің әлсіреуі және инвесторлардың тәуекел-сентиментінің жақсаруы аясында 1,7%-ға (14,33-тен 14,09-ға дейін) нығайды;

- **Үндістан рупиясы** ҚХР және АҚШ арасындағы сауда шиеленісінің деэскалациясы туралы күтулер, ағымдағы шот тапшылығының ІЖӨ-нің 0,7%-на – соңғы екі жылдағы ең төменгі деңгейге дейін төмендеуі туралы статистиканың жариялануы аясында 0,8%-ға (69,58-ден 69,03-ге дейін) дейін нығайды;

- **Түрік лирасы** Стамбулдың мәрін қайта сайлауда оппозициялық партия кандидатының жеңіске жетуі аясында 0,5%-ға (5,82-ден 5,79-ға дейін) нығайды;

- **Индонезия рупиясы** ҚХР және АҚШ арасындағы сауда шиеленісінің төмендеуін күтуден шетел капиталының әкелінуі аясында 0,2%-ға (14 155-тен 14 126-ға дейін) нығайды;

- **Ресей рублі** салық кезеңінің аяқталуы аясында 0,3%-ға (63,05-тен 63,22-ге дейін) әлсіреді;

- **Мексика песосы** 0,5%-ға (19,12-ден 19,22-ге дейін) әлсіреді. ОБ негізгі мөлшерлеме деңгейін (8,25%) сақтады, комитеттің бір мүшесі 25 б.т-ға төмендетуге дауыс берді. Реттеуші белгісіздікке және экономиканың өсуі үшін тәуекелдерге алаңдаушылық білдірді;


- **Бразилия реалы** заң жобасын Конгрестің төменгі палатасына демалысқа дейін 19 шілдеден бастап енгізу мүмкіндігін төмендететін зейнетақы реформасы бойынша заң

¹ шолуды Қазақстан Республикасының Ұлттық Банкі ашық дереккөздердің негізінде апта сайын дайындайды


² АҚШ долларына қатысты көлемі тұрғысынан көбірек саудаланатын дамушы елдер валюталар

шығарушылардың дауыс беруді кейінге қалдыру туралы шешімінің аясында 0,8%-ға (3,82-ден 3,85-ке дейін) әлсіреді.



Дамушы елдердің валюталары бағамдарының АҚШ долларына қарағанда өзгеруі, %
(2019 жылғы 21 - 28 маусым)



Дамушы елдердің валюталары бағамдарының АҚШ долларына қарағанда өзгеруі, %
(2019 жылдың басынан бастап 2019 жылғы 28 маусым аралығында)



Дамушы елдер валютасының серпіні (14 маусым 2019 =100, индекстің өсуі – валютаның нығаюы)



Толығырақ ақпаратты БАҚ өкілдері мынадай телефон бойынша алуына болады:

+7 (727) 2704 591

e-mail: press@nationalbank.kz

www.nationalbank.kz